





M



BIBLIOTHECA NAZ.
ROMA
ATTORIS EMANUELL.

HYMNVS
TABACI
autore
Raphaële Thon
Lugd. Bat.
TYPIS
Jacobi Elscuir.

683 E 21



5. 22. 6. 18

L M E C T O R I.



BIENNIVM fere est, Amice
Lector, ex quo venustissi-
mum de Patro opus, à qui-
busdam tamen, vel incuriâ vel potius
inscitiâ, distortum, neq; parvâ sui par-
te mutilum, in manus nostras incidit:
quod cum plurimorû calculo appro-
baretur, & exquisitissimis quorundam
se palatis approbasset, nullo modo diu-
tius premendum nobis videbatur. Ce-
terum cum emendatius exemplar ha-
ctenus decesset, ab autore, licet nec de
facie tum nobis noto, petere illud non
erubui. Qui, ut est mirifice humanus,
voto ac petitioni nostrâ protinus sub-
scripsit. Itaque exemplar, partim ad in-
cudem revocatum, partim media plus
parte auctum, ad nos misit. Cui comi-

AD LECTOREM

tes, festivitatis atq; urbanitatis plenissimas, adjunxit. litteras nimirum: quas editioni huic si præfationis vice in ipso limine præmitterem, neq; abs re neque abs argumento alienum me facturum arbitrabar. Absit enim, ut labores aliorum mihi putide adscribam: absit ut vel in mustaceo laureolam, vel gloriam ex fumo quæram. Autor operis est Raphaël Thorius, ut Medicus, si quisquam hodie, præclarus, ita & Poëta non vulgaris. Argumentum quidem leve ac ludicrum videtur, verum quod à tali Medico tractatum, non delectat modo sed & docet. Nisi si quis viro summo Fracastorio Siphyliden obijcere audet, qui ex argumento prope infami famam sibi peperit: & talem quidem, qualem nec ex arte Medicâ, si eruditis

AD LECTOREM.

ditis fides hic habenda. nisi quod & ex eadem arte illud, cum qua felicissime poësin junxit. Pati originem acceptam Baccho ferri hic videbis. quam apposite, non possunt, nisi fallor, ignorare, qui *Plerumque alternis admiscunt pocula fumis.* Tu, Lector, fave operi ac fruire, & ubi interiore Pati nota animum subinde recreaveris, versiculi istius memor esto,

Vsus habet laudem, crimen abusus habet.

LVD. à KINSCHOT.

A ;

RAPHAA-

IV

qui delirij accersitum Sophoclem lectâ eius tragædiâ absol-
vitis. Porro in hoc litterarum genere Reges cum sitis,
merito Iudicum partes sustinetis, ut nemo ausit Vestris
arbitriis derogare. Atque hoc me in periculosa alea con-
solatur, quod, quem semel Vestro calculo approbaveri-
tis, nemo audebit condemnare. Tibi vero, Vir Præstan-
tissime, iterum atque iterum gratias ago, quod de facio
ignotum tam amicè compellasti, quod me tuo amore di-
gnum putasti, quod denique factus miselli curam subire
dignaris. Ut referam, nil aliud possum, quam ut petitioni
tue subscribam, quod libens volens facio. Mitto igitur
priorem Hymnum correctum: cui, adaucta supellectile,
secundum adjunxi. Mallem utrumque inscribi libri no-
mine, quam Hymni. Caterum magis sollicitè excusarem
huius opera levitatem, nisi argumentum cum arte mea
conveniret. Ut ut sit, nunquam penitebit tantis aucto-
ribus in scenam prodiisse. Epigramma tuum elegantis-
simum in fronte apparere gaudebo, ad operis & opificis
ornamentum: qui tibi in hoc amicitie vestibulo animum
& manum in pignus æternæ sinceritatis porrigit. Vale.
Londini XVIII. Febr. M. DC XXV.

Omnihus Pati-Sugis.

M Orbifugæ vires plantæ, miracula stir-
pis
Cælitus ostensæ, partes diducit in omnes
Thorius, & primo fumos orditur ab ovo.
Vos quibus ad Pætum vigilantistertere naso
Fumigerisq; placet replere vaporibus auras,
Ore favete omnes. cælo delabitur alto
Planta beata, udo non aspernanda cerebro.
Scilicet in medijs habitat vis enthea fumis,
Et parvo ingentes clauduntur cortice vires.
Ludicra narrantur, sed & hæc quoque seria
ducunt,
Veraque sub ficto latitat sapientia Pæto.

LYD. à KINSCHOT.

RAPHAE-

RAPHAELIS THORI

DE

PÆTO seu TABACO

LIBER PRIMVS.



Noctuos calices, & amicam vatibus
herbam,
Vimque datam folio, & lati miracula
fumi

Aggredior. Tu qui censu decoratus Equestri
Virtutem titulis, titulos virtutibus ornas,
Antiquum & Phæbi nato promittis honorem,
Tu Paddæ fave: nec enim præstantior alter
Morbisuga varias vires agnoscere plantæ,
Inque tubo genitas haurire & reddere nubes.

Da puer accensum selecto fœtile Pæto,
Vt Phæbum ore bibam: quis enim sine sumine Pæti
Digna canat Pæto, & tantis se comparet ausis?

Non inventa homini humanos adolevit in usus
Nobilis herba, patri sed primum visa Lyao,
Cum madidus siccos thyrsos subduceret Indos,
Notuit, ad feros & claruit inde nepotes.

Fortè per æstatem tesquis arentibus hostes
Norat in insidiis meditari prælia Bacchus,
Arma jubet celeresque iugo subungere Lynces,
Bassaridasque sequi; Silenum accedere curru

B

Man-

Mandat, & in pugnam totis exardet habenis.
 Pone sequebantur lixa, jumentaque multo
 Tarda onere, & lentis congesta viatica plaustris,
 Et claudus senio Sileni vector Asellus:
 Dumque volat furiosa phalanx, inimicaque querit
 Agmina, per vastas & lassa vagatur arenas,
 Dira fames, urgetque sitis, defectaque succo
 Membra labant, defunt ipsi sua munera Baccho;
 Amphora Sileni curru subversa jacebat
 Amplo exhausta sinu; sitienti ambusta dehiscunt
 Ora Seni, ardentes dum ducit hiatibus auras:
 Menades, & Satyri, multumque proterva juventus
 Impatiens scrutatur aquas per viscera terra,
 Nequicquam; de se tandem sibi pocula quarunt,
 Et falsum potant, quem dat vesica, liquorem;
 Pocula spurca nimis; sed & hac quoque pocula defunt
 Increfcente siti, Venis & deficit humor.
 Spes tum accisa omnis, faciesque miserrima rerum
 Apparet; tostas alij de faucibus atris
 Exhalant animas: alij per mutua fundunt
 Vulnere, quem rapiant ante ultima fata, cruorem.
 Jamque acies moribunda cadit, quum valle remota
 Eminus obscuri facies confusa vireti
 Visibus occurrit dubiis: tumque Evius altum
 Inclamans; duremus, ait, tantisper in armis,
 O Socij, optatam vicina in valle salutem
 Aspicio: hic lentos toto conamine gressus

Accele-

Accelerant, renuuntque mori, Venasque supremo
 Sanguine manantes, anima spiracula claudunt.
 Utque propinquabant, altis se prodit opacum
 Stipitibus nemus, & folijs spectabile vastis.
 Euge! meis, clamat, cognatam vitibus herbam
 Agnosco, munusque Deum. sed plura volenti
 Surda manus, latus tenero de caudice frondes
 Carpit, & ignoto latrantia viscera succo
 Demulcet; viridis stillat sub dentibus humor.
 Non tamen oblatas Sileni provida virtus
 Precipiti vorat ore dapes, sed cautior usu
 Heret ab exemplo documenta abstemius optans.
 Nec mora: quis patulis lateat sub frondibus error,
 Eventus docuit: totis (mirabile) castris
 Evomitur, caditurque velut cum gurgite pleno
 Ingruit admissi miranda potentia Bacchi;
 Volvitur in gyrum tellus, cælumque videtur
 Nubibus adductis surgenti occurrere terra:
 Tum sopor obrepit, somnique invicta cupido
 Germanam dubia præfagit imagine mortem;
 Capripedes mediis diffusos stertere arenis
 Cernere erat, dissecta solo deserta furentum
 Membra Mimallonidum devota jacere sepulcro.
 Mox ubi discusso longi languore veterni
 Plenior ex adytis in singula membra recurrit
 Spiritus, amisse redierunt corpore vires
 Surgere tunc alacres, pedibusque insistere firmis,

*Et fulgere oculis, thyrsumque vibrare lacerti
Fortibus, absentesque laceßere vocibus hostes.*

Attonitus monstro, non huc sine numine, amici,

Appulimus, Silenus ait: nec dona Deorum

Despicite, ingenitas vires, nec nomina Bacchi,

Nec pudeat certa saluos à morte fateri

Calitus ostenso vitam debere Tabaco:

Advenisset enim languentibus integer hostis,

Victa siti manus hæc cecidisset victima ferro,

Tinctaque venisset victoria sanguine nullo;

Nunc veniat, validasque manus, animosque viriles

Sentiat, & si mens suadet, fera pralia tentet:

Sed rationis opus; superum nec munera cæco

Contemeranda usu. si quid sapit ista senectus,

Viribus eximiis permistum in stirpe venenum

Delitet: in ventrem virides ne mittite succos,

Mandite nec folia ingestis confusa salivis:

Virus inest crudis: æstivo Sole recocta

Credibile est tutos præbere halatibus haustus;

Nec ventri, at cerebro, (si tecta evolvere fas est)

Pabula grata reor, subtilibus eruta fumis.

Quare agite, ô juvenes, tam digni muneris aptos

Ingenio, & rapidis extundite mentibus usus.

Dux ego vester ero; quid mens dictaverit, omnes

Accipite; arentes proluxa uredine frondes

Comminui manibus jubeo, cannaquo reponi,

Protinus educto radiis solaribus igne

Contingi, & positis aduersa parte labellis
 Exsucti calidas nubes adducere fumi,
 Ocyus ut possint cerebri pervadere flexus,
 Vinosisque leves recreare vaporibus auras.

Dixerat: hinc Satyri teretes aptare cicutas;
 Deciduas alij sicca fuscidine frondes
 Frangere: pars tubulos arfuro pulvere complet,
 Pars stricto ore trahit (risumque sodalibus affert)
 Pulverem flumen, tussesque inducit iniquas.
 Ipse pater fremitus vana & conamina risit.
 Igne carent, ignem votis ardentibus optant.
 Ecce Senex densum, quod habebat mantica, vitrum,
 Depromit, vafri inventum subtile Promothei
 Furati eternas cœli de fornice flammas.
 Hic latet ignis, ait: suscepto & Sole rotundum
 Molliter acclivi depressum in vertice centri
 Frondibus admovit Phæbo penetrabile vitrum.
 Cuspidis in morem radijs concurratur, auctus
 Inde calor sensim serpit, fomentaque circum
 Arripit, & fumo vicinum nuntiat ignem.

Applaudunt Satyri, Faunique, senemque magistrum
 Attollunt humeris, vocesque ad sidera tollunt;
 Ipse cavam ante omnes accommodat ore cicutam,
 Leniter adducit nebule mirabiles haustus,
 Et ductos patulis fumos è naribus efflat.
 Nec mora, permotus subita dulcedine, toto
 Corpore diffusum sentit gestire rigorem,

Ut solet à noti sæcundo flumine Bacchi
 Serpere paulatim non intellecta voluptas.
 Ora madent: non falsa sitis, non vexat acerba
 Esuries, vomitusve: levi vertigine tantum
 Crura vacillare; & supremam udescere frontem
 Percipit, illesus sed & hæc vanescere gaudet.

Tum vacuus densa Peti porrectus in umbra,
 Omnigenum ut patuit sacunda scientia rerum,
 Dulcibus absumit lentas sermonibus horas,
 Explicat ingentes opulenta mentis acervos,
 Ludenti & similis Natura arcana recludit,
 Implicitos memorat sphaeris caelestibus orbes,
 Compagemque hominis, terra & miracula pandit,
 Addit & oraculis docti libamina sumi.

Fumantem sequitur circum diffusa juvenus
 Ipsa novis operata tubis, fumoque fragranti;
 At rudis ore vomit naso reddenda patente
 Nubila cum multa tussi lacrymisque jocosis,
 Ridicula, appressis animam qua claudere labris
 Nescit, perque cavas iterum depellere nares;
 Docta sed exemplo grandævum aquare magistrum
 Efflando satagit, repletque vaporibus auras;
 Dumque hilares animis leta vitulantur in herba,
 Ecce venit fessis longum expectata ministris
 Annona, & multo ferventia dolia vino.
 Clamores geminant, versisque ad cantica cannis
 Gaudia agunt, epulisque favent, multumque vocatis

Iumen-

*Iumentis, reducique senis gratantur Afello:
Indulgent Cereri primo, tum Massica libant,
Viteaque admistis alternant pocula fumis,
Cuncta fremunt fumo, cantu, mistisque chorais,
Donec dulcem oculis fudit nox alta soporem.*

*Postera ut illuxit letis aurora, ferique
Admonuit belli securas pace phalanges,
Lenæus pater, & Sileni cana senectus
Extimulant, si quos festivi hesternæ diei
Fregit Luxuries, animosque hortatibus addunt.
Sat poclis, genioque datum; nunc prælia mentes
Sollicitant; positas assumite vultibus iras,
Et forte instanti dexteræ componite pugna,
Ne vigil incaute palantibus ingruat hostis
Et cadat ipsa suas cedes non ultra jurentus.
Nec virtus equidem nobis incognita vestra est.
O Socij, magnis neque non confidimus ausis,
Sed nocet ignavas quamvis contemneret urmas,
Securosque mali ignotis incedere terris.
Impavidi ergo animis sedato insistite gressu,
Neumala nos iterum letho panuria mulctet,
Agmine composito lenti procedite, pato
Non sine contrito, promptisque ad labra cicutis,
Et levibus fungis, servato & restibus igne;
Hoc animi surgent ad prælia, nubibus istis
Prodigiisque nova specie terretur hostis.
Esse viri, famam & factis sperate perennem.*

Dixit-

Dixerat: assensum properant applausibus omnes,
Et sibi quisque suo stationem corpore servat.

Ardens in curru medio pater agmine Bacchus
Eminet, impexi tergo Silenus a selli
It comes, haud equidem bellax, nec idoneus armis,
At bonus eloquio, & subitis dare tuta periculis
Consilia: aequales utrimque excurrit in alas
Densa acies, hostemque animis pugnacibus optas;
Nec procul hostis abest: vicini vertice montis
Opposito emergit, summisque hastilibus extas.
Bassaridis calido fervescit pectore sanguis,
Ærea sistrâ manu quatiunt, & tympana pulsant,
Vino acunt iras refides, haustoque Tabaco
Excludunt lethi faciem, suaque agmina circum
Nube tegunt atra: spirantes naribus ignem
Procedunt: medio glomeratur in æquore nimbus
Igne micans, tonitruque fero, fumoque stupendus.
Ostento attonitos subitus pavor occupat Indos,
Non homines sed furva rati de faucibus Orci
Numina, consternati animo certamen iniquum
Detrectant, trucibusque timent configere monstros.
Pars fugit, & positis querunt velocius armis,
Quam dare victoris mallet clementia, vitam;
Pars orat veniam, parere & iussa modestis
Imperijs patiente jugum cervice capeffit;
Sed pudet erroris, stulta & formidine tactos
Extimuisse piget vani sufflamina fumi;

Libertate dolent serva; solatur at illos
 Indulgentis heri condita lepore potestas,
 Et victoris amor: simili discrimine victos
 Victoresque videt bellis utrinque remissis
 Una dies miscere epulas, Bacchumque ciere,
 Et simul alternis fumum potare cicutis;
 Mirantur bona nata domi, nec nota queruntur,
 Et nebulas animi jucundis nubibus arcent.

Atque hac prima fuit mortales stirpis in usus
 Notitia, hac late noti cunabula sumi.
 Iam quæ vis lateat plantæ, quibus apta bibendo
 Corporibus, quibus & pugnet contraria morbis,
 Musa refer, geniumque novo concede labori.

In primis non una subest natura stupendo
 In folio: adversis dives virtutibus omnem
 Exuperare fidem gaudet, stirpesque beatas
 Provocat: hellebori robur, rheabarbara duras
 Solvere nata alvos, facientem gaudia vitem,
 Balsaма vulneribus laudata, fabamque suillam,
 Nepenthesque animi mulsam, gravidumque papaver.
 Magna Dei virtus, quæ tot miracula rerum
 Seminis exigui tantillo cortice clausit
 Quod licet haud superet cineris, vel levis arena
 Fallentis digitum & numerantia lumina, molem,
 Mox dabit ingentem frondoso tegmine sylvam,
 Et certa in dubijs promet medicamina morbis.
 Quod si quis tantas rimari indagine causas

Aggreditur, multum immani sub pondere sudet,
 Seu diversa Salis mira substantia plantæ
 Compositum esse dedit, multis & dotibus auxit,
 Seu simplex varijs obnoxia casibus una
 Materies alios pro mole & tempore vultus
 Induit, atque aliter distincta in corpora regnat,
 Natura latet in gremio, nec cernere pronum est.
 Si tamen exemplis libeat velut indice filo
 Ire per anfractus dubios errore viarum,
 Inque sibi similes Totum dissolvere partes,
 Forsitan occurret, quo mens placata quiescat,
 Et si non verum, at veri illucescat imago.

Quicquid ineſt rebus ſapidum, diſcernere guſtus
 Quod valet, id ſalis omne ſolet de nomine dici;
 At gemina eſt natura ſalis; vel funditus hæret
 Corporeæ moli, ad ſuperas nec tollitur auras
 Suppoſitis flammis, cineri ſed figitur acri;
 Dictus & hinc fixus: levior vel ab igne ſolutus
 In ſublime volat fumo ſubveſtus amico,
 Accreſcitque apici in morem fuliginis atræ;
 Inde Sopbis à re ſal ille volatilis audit.
 Hic aliud memori occurrat ratione tenendum,
 Viſcera quod terræ ſalibus prægnantia multis
 Stirpibus innatis ſecunda alimenta miniſtrant,
 Ut ſua cuique trahit proprium natura fluorem.
 Fructibus hinc ſapor accedit, hinc floribus omnis
 Spirat odor, retinentque ſui veſtigia ſucci.

*At tellure latent penitis confusa cavernis
Sulfurei latices, nitri glacialis amaror,
Lethale arsenicum, flammis affine bitumen,
Argenti liquor in sedam resolubilis auram,
Chalcantumque acidum, lingueque astrictor alumen,
Atque alia innumeros factura elementa sapes.*

*Si quis jam excutiat prolixo carmine, de tot
Principiis, cui accepta ferat sua munera Pætum,
Comperiet tanto dignum sudore bitumen,
Cuius in eximia species supereminet herba,
Pingue, olidum, acre, tenax, nitro sublime volanti,
Ignis amans, crassaque ferens fuligine fumum.
His pictam in tabula quicumque coloribus herbam
Non videt, hunc oculis captum, & rationis egentem
Crediderim: quid enim magis aspectabile? dextram
Trita oleo sedat, digitos & glutine viscat,
Et solidat crudum lento ferrumine vulnus,
Sorditiem ulceribus salsugine terget amara,
Nec putrere sinit; sensum nam faucibus acrem
Impingit, longumque relinquit in ore calorem.
Latè fusus odor virosa vividus aura
Dissipat ignavum cerebro torpente veternum,
Siccatur & illuviem eductis sternumine mucis.
Denique in aëreum flammis conversa vaporem
Fæta salis vivi, superasque volantis ad arces
Pervia spiritibus mentis capitolia scandens,
Supplementa nova exhaustis animalibus infera,*

Atque hebetes subito restaurat acumine mentes.

*Planta beata! decus terrarum, munus Olympi
Non tantum agricolis duro lassata labore
Membra levas, minuis victus absentis amorem,
Fundis & absque cibo sparsas in corpora vires;
Sed radium specimenque Dei sapientibus ipsis
Ingenium illustras, si quando aut multa tenebras
Colligit ingluvies cerebro, aut molimine longo
Intellectus hiat, rerum neque concipit umbras,
Conceptasve tenet, vel ceca oblivia regnant;
Ut semel irrepsit blando lux indita sumo,
Aufugiunt nubes atra, curaque tenaces.
Vis micat inventrix, dempto velut obice veli
Tota oculis animi patet ampli machina mundi,
Æterna species Natura ex ordine nexæ
Succedunt, redeuntque suis simulacra figuris.*

*O quoties visus magna spectante corona
Orator populi cupidus dicturus ad aures
Contremuisse metu, docti sermonis acervos
Confudisse locis, lingua & siluisse rigenti,
Quum memor ex tantis opibus sopita facultas
Nil daret in vocem, sed res & verba negaret,
Si modo vel micam generosa è stirpe vorasset
Fumanti tubulo, accenso seu lumine, sensim
Res reperisse suas, prendisse fugacia verba,
Thesaurusque animi populo exposuisse stupenti!
Si duo præterea Stagira in pulvere docto*

Laudis

Laudis amore novo, verivè cupidine pulsi,
 Pugnam agitant, verbis & digladiantur acutis:
 Omne animi intendunt robur, nervosque fatigant
 Nexibus impediunt cantum ut subtilibus hostem,
 Aut validum incusso rationum pondere sternant.
 Stet circum pubes, pulcri & certaminis aquas
 Arbiter ingenij aequales utrimque lacertos
 Mirantur, crebris vires applausibus augent.
 Tandem obtusa acie, ut fessus deserbuit ardor,
 Lentior & validos insultus lucta remisit,
 Sorbeat alteruter, sacrum refletque vaporem,
 Ilicet ut tantâ Anteus tellure, resurgit
 Firmior, exhaustumque recens grassatur in hostem:
 Fejurus cadit, at sequitur victoria potum.
 Sin utrique placet nova de suffimine tela
 Arripere, & calidam verbis producere pugnam:
 Tum videas paribus momentis praelia se va
 Eventu dubio in multam crudefcere noctem;
 Nec prius argutis discedere ab ictibus ambos,
 Indefinitam abscindant quam tædia litem
 Iudicis incerti, palmæ cui premia donet.

Sic quondam Iliaco bello par nobile fratrum
 Asclepij sanguis Podalyrus atque Machaon
 Fertur ab Atride indictum certamen amicis
 Suscepisse odijs plantæ de laudibus Inde.
 Damnabat Senior linguâ tenus intus amatam,
 Dissimulans veros sermonis acumine sensus;

*Iunior in fratrem jaculis ardentibus ibat,
 Et pro dilecta pugnabat serius herba.
 Cordatum ante tubam potarat uterque Tabacum,
 Impiger ingenium præclaro accendere fumo,
 Et mucronatis mentem gravidare sagittis.
 Multa hinc inde agili vibrata hastilia lingua,
 Multa retorta iterum, crepero nec pausa duello
 Ulla fuit nisi quam sumi dabat haustus amœni;
 Vnde renascentes stabant ad prælia nervi,
 Invictusque furor carum prosternere fratrem,
 Donec inexhaustis crescentes viribus iras
 Ancipitem & litem sententia magna diremit
 Regis inaudita gaudentis honore palestre:
 Robore sic proprio ceciditque stetitque Tabacum.
 Et nunc de fumo gravibus configitur armis.
 Usque adeo nil scire datur dubitabile quod non
 Ingenij faciat cita vis & gratia lingue.*

*Sed me perplexi ingressum spineta Lycei
 Pensi alio textura vocat; quibus herba salubris
 Principiis constet, vero mihi carmine dictum est.
 Nunc quibus illa viris saveat, quibus illa resistat,
 Quosque serat, pellatque agro de corpore morbos,
 Expediam, simul ut calicem sicca vero Peti,
 Ædibus & vacuis succreverit aucta supellex.*

R A P H A E L I S T H O R I
D E P Æ T O

15

L I B E R S E C V N D V S .

Tollite vos ignem, tubulosq;: sat ætheris haustum est;
Dum calet ingenium, dum sensibus integra vivis
Versantur simulacra, fidem exolvamus amicis;
Odimus immemores; Mundum nec pascere fumo
Aggredimur, vanos aut ampullare per orsus:
Instat segnicies, & Phæbo invisâ senectus
Tristibus impallens curis divortia Cirrhe
Mandat, & extremum Musis offerre laborem.

Dicite Pierides, domitis quæ gesserit Indis
Liber, ut immanes populos moderamine legum
Mollierit placidus, quernosque ligonibus enses,
Et truculentâ levî mutarit ferula Tabaco,
Vt mores, geniumque pater Silenus amana
Stirpis, & innumeros ludens evolverit usus:
Forstân hæc qui vos bifido de monte per aquor
Transtulit auratâ Boreæ regnator in aulam,
Audiet, & tanto si non indigna parente
Funditis, innatum quanquam a versatur odorem,
Vestris persusum violis, animaque suavi
Inter pulvillos variatâ mente reponet.

Vt sedit solio Victor, non tristibus armis
Servit in vitam vel opes, nec durus abactis

Jndi-

Indigenis statuit dominos, nec more tyranno
 Optavit metui, metuit non ipse timentes;
 Lenibus alloquijs, & majestate remissâ
 Partus amor populi, facilis clementia mores
 Erudit, glebamque jugo parere suavit.
 Terra feris infamis erat, Lyncesque, lupique,
 Tigres & celeres pardi, mistique Leones,
 Impune insidias pecorique virisque parabant,
 Tollere nec cladem intentis in mutua bella
 Cura fuit, maior sed erat meliorque voluptas
 Finitimos flammis vexare & cædibus agros,
 Et cotos calidis hostes apponere mensis.
 Non tulit immanem ingluviem, qui temperat ætus,
 Sanguinis inque siti pacis suffundit amorem;
 Vastitatem lustrare cupit, regesque cruentos
 Visere, & ingenuas crassis dare mentibus artes.
 Assumit numero è magno, quos indolis esse
 Scierat urbana, calicum sed largior usus
 Vitaque liberior, nervisque inimica libido
 Fecerat effectos, at nobilis aura Tabaci
 Compositusque labor, calique nitentior haustus
 Sensim reddiderat reparatis viribus agros.
 Amphoriam, Balanumque legit, comemque Neandrum,
 Lucundos comites, totidem quibus addit amœna
 Fronte viros, luscum Pelian, genitque sagacis
 Idmona, cerulei ridendum tubere nasi,
 Pauperis & barba metuentem scommata Trullum.

Here-

Hærebat socijs, & clam post terga subibat
 Olim gratus aper, casu sed surdus iniquo
 Non adeo, ut solitus, suavis comes, atque facetus,
 Iussus abire manu, invito sub tectâ rediit.

Regulus Hamatoës, quo non truculentior alter
 Vicinos capere, & captos prandere, tenebat
 Non procul imperium vastis inclusus in antris,
 Turpis ubi laniena fuit; juvenumque senumque
 Corpora vincta jacent stabulis, pinguique polentâ
 Ingratam cumulant in gaudia dira saginam:
 Huc canibus, jaculisque plagisque sequentibus omne
 Cornicinum sonitu & mistis latratibus agmen
 Vertit iter, nec longe aberat domus atra Tyranni,
 Qualem Dis habitat: primo venientibus antri
 Os immane patet; congestis ossibus albet
 Limen, & affixis apparent culmina tectis,
 Consitus ut scolymis horrescit edulibus hortus:
 Quum capita in squamas longis crevere medullis.
 Forte dies genialis erat, Lapiſtheque repositis
 Instruere altilibus convivia lauta parabant.
 Agminis ad strepitum cavea caput exerit Heros
 Mulleus, & virides exponit vertice plumas:
 Mox refugit visis, venit alter, & alter, & antri
 Interiora petunt, nec portam veſte parato
 Claudere, nec miram meminere excludere gentem:
 Dum tenet attonitos cæcus timor, ilicet Idmon
 Primus in ignotos audet penetrare recessus,

D

Cum

*Cum cane nasuto ; sequitur mox cætera pubes
 Palpans in tenebris , nisi qua per summa receptus
 Tectæ viam ostendit sub opaco lumine splendor,
 Silenus medio, extremo tutissimus Evan :
 Perveniunt tandem, ducit quo nidor, in aulam
 Ferventem fremitu , facies ubi dira culinae
 Perculit ingressos primo , pleni que lebetes
 Fumantum capitum, verubusque infixæ columnis
 Multa virum femora , & stillantes lancibus armi ;
 Fæmineique coqui cinctis circum ilia peplis.
 Non procul in clathris porcorum more jacebant
 Corpora dena virum festo servata propinquo,
 Dum crescant adipēs, lacrymis quos Liber abortis
 Præterit. Hamatoëm attenda dum nare molossi
 Vestigat, penitoque latentem affatur in antro,
 Surge miser, vultusque hominum consuesce tueri:
 Venimus innocui, cades nec cædibus istas
 Ulcisci est animus ; veniam donamus avitis
 Ritibus, & placidos gerimus sine sanguine mores.
 Si cruor est cordi, pugnandi & tanta libido,
 Bella move te feris, armento arcete leones :
 Parcite vicinis, turpes nec ventribus escas
 Indite, nec sædis postes ornate trophæis.
 Non est illa lupis rabies : non tigrido tigris
 Pascitur, irato nec fit leo cana leoni:
 Tollite færales epulas, & condite terra
 Tristes reliquias, dapibusque fruamur honestis.*

Ille nihil clarum; obscuros modo gutture mittit
 Grunnitus, torvumque tuens, non sponte monenti
 Obsequitur, pavidosque jubet parere clientes:
 Tumque abit annona infelix, meliore parata
 Succedunt verubus jucunda obsonia mundis
 Cervorumque suumque tori, leporesque anatesque
 Venantum, & quicquid dederat labor.

Advolvuntur humi (nec enim conjungere mensas
 Hora dabat) Bacchus primum vetulusque magister,
 Tertius Hamatoës; nullo mox ordine seni
 Procumbunt comites, tum picti terga sodales.
 Pæta juvent; nunquam dextras junxisse fideles
 Peniteat (rex Liber ait) scelericia sint hæc
 Fœderis incæpti primordia: ponite amici
 Ritius immundos, faciliq; assuescite vitæ:
 Tuque adeo, subitos aditus, nec libera, frater,
 Condemna alloquia ingenui firmamen amoris;
 Proderit hoc olim hospitium, nec vestra juventus
 Utile subsidium vitæ didicisse dolebit:
 Hoc tu pignus habe, quo nullum sanctius optes.
 Dixit, & undantem vino cratera recenti
 Impiger exhaurit, secto quod palmite nuper
 Arboris æreæ repetito effluxerat ictu,
 Veribus & plenis stabat prope: suscipit ingens
 Bellua, & epoto miserorum sanguine, tetram
 Non prius aspectum nectar deturbat in alvum,
 Emitteritque olida ructamina cruda popina.

*Subrisit Pelias: navem compefcuit Idmon;
 Euuius increpuit nutu, & sermone benigno
 Non bene constantis vultum firmavit amici.
 Euge virum! ut vero placuit liquor? ille subaudax,
 Fronte supercilioque ad verticis offa retractis,
 Est bonus iste cruor, quocunque e gutture fluxit;
 Vix melior pueri imberbis. si quis mihi porro
 Præbeat, haud verear patinam sorbere secundam.
 Quod pofcis dabitur: fed pocula jungere poclis
 Et turpe & nocuum. nescis bone, qualis in ifto
 Sanguine sævitia eft; proprio te difcere damno
 Non patiar. forte ex alijs fine crimine nofcēs.
 Ut vero patrias crasse caligine mentis
 Ignoratis opes? hebeti tam grata palato
 Munera fuccifo de cortice fufficit arbor
 Obvia, nec fumptu, multo nec emenda labore;
 Sponte fuos præbet lanianda fecuribus artus,
 Fundit & æternos redire viis fontibus amnes:
 Cedite, legitimos terre bona vertite in ufus,
 Ducite nec pulcrum humanis pinguefcere venis,
 Et terre finibus ferpentum more latentes
 Luce, virisque procul natura extinguere lumen:
 Sunt vobis hominum vultus, funt peffora, nec mens
 Degener, intrepidaque animis ad prælia vires.
 Tot bona cur tumulo infoditis? de fronte character
 Humana periit, nec quamvis fanguine pallis,
 Sanguineus color eft. tumido fed luridus ore*

Tallor

Pallor inest, oculique latent, discrimina nasum
 Nulla genasque inter; facies vesica videtur:
 Tempora nuda pilis, putri labra turgida tabo,
 Et nigro trepidi promanant sanguine dentes.
 Vix animam trahitis, nervis attollere costas
 Non datur, injecto ceu pondere pectus anhelat:
 piger excussis genibus gradus, & dapis alma
 Nullus amor, sed humi juvat edormire pœternum.
 Hanc situs, & nunquam soli nec pervia ventis
 Antra dedere luem, spurcoque obsonia succo;
 At magis ira Deum mensis accensa nefandis
 Intulit immundam resoluta robore pestem;
 Et jam barbariem luitis, potumque cruorem
 Redditis impuro, qui vos infecerat, ore,
 Ut moniti queratis opem: sed nec bona vestra
 Nec mala novistis; tantus stupor occupat egros.
 Cernitis accenso prognatum pulvere fumum
 Nare venire Senis velut exhalante camino?
 Putris hic herba fuit: vobis vicina Tabaca
 Nomine vix noto clarum dedit insula nomen.
 Hinc finem sperate malis: tunc cane Magister,
 Cui natura parens rerum momenta suarum
 Credidit ingenium remedi percurrere, modumque
 Nec differ miseris optatam afflare salutem.
 Hic, paulum tubulo amoto, flammaque moratur,
 Magna jubes, dixit. si quæ tamen auribus istis
 Digna putas, dicam; detur modo vita, recensque

Libertas miseris, pedibus quos fune ligatis
 Ægrotos stabulis in sædo stramine vidi.
 Annuit Hamathoës: solvuntur vincula claudis,
 Prorepunt geminis nixi, sua quique gerentes
 Ore mala, & lucem veriti tetigisse supremam,
 Vultibus obscænis latâ ductantur in aulâ.
 Non tenuit lacrymas vetulus Pater. Eia, sodales
 Vivite, ait, vitam meliori at ducite fato:
 Nam licet, & dabitur: latet isto condita buxo
 Vestra salus, modo sit servari certa voluntas.
 Tu miserande Senex, muriam pro sanguine venis
 Qui generas; cui crura labant luctante podagrâ,
 Purpurei stillant, hebetesque arctantur ocelli,
 Cæcus eris, si spernis opem, sed ab arte medelam
 Sufficiam; & tumidis albo suffumine buccis
 In pileum nebulam inspirat, vultusque seniles
 Protinus includit junctis ad tempora limbis.
 Excipit ore senex mordentes lumina fumos,
 Et patitur jussus spe consolante dolorem,
 Exprimit imbrẽm oculis, videt acrius omnia circum,
 Plenius admissa deterfis luce fenestris.
 Atque potest adeo salebrofa in nare Magistri
 Eminus extantes oculo numerare pyropos:
 Namque rogatus uti in naso qua cerneret, & quot
 Diceret, ostendit digitos, & fraga tot, inquit,
 Aspicio in nostris nascuntur qualia sylvis.
 Flia concussit Vetulus, risere sodales.

Dignus

Dignus es articulis sine nodo: age fugito, dixit,
 Claude labrum, & laxis expira naribus auram:
 Sugit, & expirat, sed porro injussus, ut antrum
 In gyros volvi, & turbari ructibus alvum
 Sensit, humi recubans confertim cruda remittit
 Frustra, & multiplices, quas ante voraverat, offas.
 En podagra exitium: sic fonte revellitur ipso
 Succus edax teneros rodens sine dentibus artus.
 Hoc bis agas, quum luna latet, cumque orbe recrevit
 (Tum latebris turgent succi, tum mobilis humor)
 Post leves patinas, & prandia pinguis omasi.
 Sic ubi cisternam illuvie, primamque cloacam
 Terferit, humores ablatis facibus ibunt
 Purius, articulis blanda, & sine sorditie acri
 Nutrimenta fluent, quo nec sacunda malignis
 Reliquijs acidi pungentur acumine nitri,
 Torta nec in duram concrecent vincula cretam:
 Tum levitate pedum Satyris certabis, & ipsas
 Sponte tua poteris saltu ducere choreas.
 Quod si pauca tamen falsæ vestigia labis
 Exuperant, hausti blanda torpedine fumi
 Vanescunt, nec hebes sensus, velut ante, dolebit.
 Hac ope non podagra tantum cruciamina cessant,
 Sed porrò coli rabies, sed volvulus atrox,
 Gutturis & sædæ tollens discrimina sedis,
 Et capitis clavus, & sibilus auris adurens
 Mitescunt subito, nec post injussa recurrunt,

Si modo quis constanter amat, nec iurgia curat
 Conjugis in fumum insontem maledicta vomentis,
 Oscula quod vitiet, nitidas & conspuat aedes.
 Vir fuit antiquæ fidei, nec moribus asper,
 Æquoreas habitans morboſo in littore ſedes
 Labe nova infames; quos ceperat acre venenum.
 Frendebant medio cerebrati abdomine, mox ut
 Repſerat extremos morbi violentia in artus:
 Tensa velut valido membra omnia fune rigeant,
 Nec vis ulla ſuper, nec motus ulla facultas.
 Ille malo arreptus, Phæbeas jugiter artes
 Implorabat inops, dedit & medicamina Phæbus
 Nequicquam, at ſolitis conatum luſit in herbis,
 Donec inauditam melior fortuna medelam
 Præbuit, & ſacili reparavit damna Tabaco.
 Inde colit manus Divum, multosque per annos
 Obtinet illaſam fumo conſtante ſalutem,
 Cum prius incerto vita, tremulisque lacertis
 Importuna luēs, necdum ſuperata rediret:
 Nempe ſalis pūngens acies obtuſa ſopore
 Deſijt in molles mucronem intendere nervos.
 Sic ubi radicem dentis deterrimus humor
 Vellicat, ardentemque inſtaſcit tubere duro,
 Qualem offert nucibus concluſis ſemia, buccam,
 Fumus in os veniat, parvoque ut tempore clauſus
 Manſerit, extemplo, gemitusque tumorque recedent.
 Sic alia migrant afflicto de corpore peſtes,

Quas

*Quas mala concepta falsuginis aura creavit.
 Labentes pluviae sublimi è fornice tecti
 In teneros solles, quibus insita flamma movendo
 Vivit, & in numerum flatu modulante, sovetur,
 Densata in media pendent regione, forasque
 Ante, levis quam sit membrana arrosa, feruntur.
 Quid referam tumidas fauces, laqueumque latentem,
 Hellucum, & subitâ dubios vertigine gressus,
 Clangosasque brevi minitantiâ flumina nares?
 Omnia mulcentur fumo, si provida cura
 Maturat, seras nec opem producit in horas.*

*Sunt, quibus occultis mordax contagio membris
 Offecit, seu spurcities nitrosa canales.
 Raserit urina, vel apertum facibus anum:
 Hinc quoque luctifico requiem sperate dolori
 Qui matula ingemitis, qui clavos inter acutos
 Horrida Caucasæi depingitis ora Promethei.
 Non ego vaticinor, Parnassî aut somnia fingo;
 Nota loquor, quæque ipse prius crudelia sensi,
 Quam facies Pæti mirandaque nota foret vis:
 Namque (fatebor enim) luxu transacta juventus
 Cum Baccho, Satyris, & sua in isto comitatu,
 Hic illic vetulo rimas in corpore fecit,
 Subjecitque malis, quæ magna est nosse voluptas,
 Sanasse utilior, nostroque probata periclo
 Certius in populi juvat usurpare salutem:
 Sed quia par cura est tristes expellere morbos,*

*Et validos servare habitus, quæ cautio sanis,
Discite, quis ve modus, nec enim omnibus omnia profunt.*

*Oderunt alij natura, ut triste venenum,
Deficiuntque animo ad solij fumantis odorem,
Stulte alij damnant, novitas quia displicet omnis,
Quod sine Pato atavi meliores stirpe sequenti
Concessum à superis egere salubriter ævum.*

*Abstineant ambo: nec enim pugnare decorum est
Naturæ, aut rectam invitis infundere mentem.
Si quis amat, sapienter amet, nec Simius alter
Consilio, & sine fine aliorum irrumpat in actus.
Sunt qui fumum ideo, ut potent tantummodo, potant,
Urbanos inter ne non habeantur amari,
Profit ne an noceat sibi sus deque ferentes:
Rusticus ille, malusque pudor: nam vel jure haustus,
Vel ledit. te ipsum noscas, & idonea fumo
Corpora, ne sero tandem tua damna queraris.*

*Si cui grande caput prostanti fronte rotundum,
Lati humeri, pectus patulum, torosaque membra,
Sub cute obesa caro, pituitaque multa palato,
Is bibat impune, & repetito indulgeat haustu,
Si libet, & justos sumendo respicit usus:
Parcius attingant graciles, quibus ardua cervix,
Frons angusta, caput minimum, præcordia pressa,
Excarnesque genæ, & pauca mucagine nares.
Ollis spirituum ut brevis est annona cerebro,
Obruatur facile conferti aspergine fumi,*

Haud secus ac nebule hybernæ caligine solis.
 Composcitur validis biberint si largius æquo,
 Occupat ignavos torpor, defessa quietem
 Membra petunt, nervis velut ex ætate solutis,
 Mane tremunt, altaque obcunt in luce soporem.
 Quod si præterea roseus color inficit ora,
 Et subeunt tussēs, & densus anhelitus, illum
 Ejurare tubos jubeo, carosque sodales,
 Ne redimat nocuos vitæ discrimine lusus.
 Illi pulmo flagrat, putride uligine turgens
 Febrim corde fovet, lentoque absolvitur igne.
 Sed sit tantus amor sumi, nec tendere contra
 Vota libet, cæco ratio sed cedit amorī,
 Bechion arentem sumat, sumumque capeßat,
 Non metus hinc fuerit, sed spes non vana salutis:
 Nec moderatus enim accendit calor, at levis aura
 Ulcera desiccat, saniemque e pectore ducit.
 Denique si qua vehit tectam causa abdita tabem,
 Seu mala per totum diffusa injuria corpus,
 Seu cita febris erit, lesi vel visceris æstus,
 Ah! tibi ne tanti sit pernicioïsa voluptas.
 Declina illecebras, & quamvis parcere durum,
 Parce tamen, certa & caveas auctaria cladis.

Est etiam quandoque, ut, qua data porta subinde
 Erumpat sus deque cruor, lethumque minetur,
 Et vomitu ruat, & laxis fluat alvus habenis:
 Quicquid contigerit, feralia pocula mitte,

Nec libeat nocuas immittere faucibus escas :
 Sanguinis hinc fluxu crescunt, vomitusque ferocit,
 Vitaque disiectis tandem cum facibus exit.

Iudicio hic fistor rationis tollere visus
 Quod posui : nam si Pati gravis herba soporat,
 Et sopor excrementa tenet, damnatur inique
 Quod juvat & laudem meruit, bene premonet, inquam.
 Quisquis is est, nodum neque dissolvisse pigebit :
 Hunc ergo jubeo in mentem revocare, quod olim
 Sanximus, adversas simul hic subsistere vires;
 Nempe sale hinc stimulat naturam pelleret tardam,
 Ac veluti vivis pigras calcaribus urget :
 Parte alia exhalans nebuloso sulfure somnos,
 Sistit, & effusam facili compefcit habenâ.
 Ac velut indomitus sonipes juxta ilia fossus
 Evolat, & frano deinceps parere recusat; -
 Sic ubi depultrix validè movet, & retinendi
 Vis labat, ut leviter tacta est, ruit impete multo,
 Nec motam retinere leve est, nec tollere lapsam,
 Et magis effluxisse nocet, quam clausa manere :
 Vsq̃ue adeo multum est rerum momenta, modumque
 Temporaque, & que sit cunctis natura, tenere :
 Sic virtus viget ipsa, viget quoque corporis atas,
 Utraque deliquit tandem nimioque labascit.
 Nil melius vino; vinum tamen omnibus aequo
 Non datur in cyatho, nec fugitur omnibus horis;
 Juxta etiam quandoque necat, quandoque furorem
 Suscitât,

*Suscitat, interdum rationem largior haustus
 Obruit in spatium, quo mobilis orbita cæli
 Volvitur, inque locum redit unde exiverat ante.
 Solvitur interea strictis nisi crapula vinculis,
 Ebrius expirat, saltem expirasse putatur.
 Haud procul exemplum: nuper Satyriscus Adonis,
 Dum tua festa colit, rex ò Lenæ, sepultus
 Et vino & somno, sub terram ut mortuus ivit;
 Postridie effossus Vita manifesta recepta
 Signa dedit, capite effracto, manibusque cruentis.
 At miser adversus mortem cubitoque genuque
 Confligens, animam clausa colliserat arca.
 Quid tam funestum nostræ adversarius arti
 Objiciat? nulli, quantumvis multa, obeundi
 Causa fuit, mentem nulli, quod constet, ademit:
 Contra letitia in magna, dum pocula salutis
 Ordine discurrunt, si quis temerarius audet
 Iura insana sequi calicum, pugnamque laceffe,
 Ne titubet ratio, aut gressu titubante vacillet,
 Arripiat tubulum, medicam intermiscet auram,
 Surget inoffenso vultu, bene condita verba
 Sobrius exponet, fumi dum nescia turba
 Instabilis prodet vibrantes fronte lucernas,
 Et gressu insolito dabit irrisoribus ansam.
 Nempe tuus fumo, Bis-nate, retunditur ignis,
 Mobilis & rabies blando corpore quiescit.
 (Nec ferat invidiam quæ dat tibi copula laudem)*

Non melius lapidi Herculeo Chalybumque metallo
 Convenit, optatum quam querunt vina Tabacum:
 Sic operas praestant inter se, junctaeque multo
 Nobilibus sapiunt, quam degustata seorsim.
 Denique mortales, quantum est, conducit in usus,
 Nec quicquam, ut suis occisi, non utile, flammæ
 Quæ superat post fata cinis rubigine fæda
 Defricat, & flavos facit excandescere dentes:
 Fumus & ipse (novum auditu) consistere jussus
 Paret, & emissus per conniventia labra,
 Ore manu impresso, subvum densatur in unguem
 Virginibus carum, quibus à serpigine longa
 Prurit scabra manus, manantibus undique rimis;
 Lavigat admotum, & splendorem inducit eburnum
 Non sine portento; nec parvo gratia constat.
 Namque per arcanos penetrabilis aura meatus
 Cor quatit, & stomachi vinculis utrimque solutis,
 Æolium ventis subvertit olentibus utrem:
 Sed vita incolumi, ridentibus affatim amicis,
 Inde metus tutos, decus inde doloribus emptum.

Iam bona decerpsi: nunc si quæ incommoda ab usu
 Obveniunt, seu sint vere, seu vera videntur,
 Expediam, longa nec vos ambage morabor.
 Insimulatur enim, clara quod mentis acumen
 Obtundat, speciesque locis posituque decenti
 Confundat tenebris, & nigra oblivia ducat:
 Crimen atrox; sed quod vel prava calumnia finxit,

Vel

*Vel bona simplicitas: non est, quia non potis esse:
 Immortalis enim cum sit mens, ortaque cælo
 Portio, corporeis non est obnoxia damnis.
 Actio recta quidem, si leditur instrumentum,
 Leditur ad tempus, causâ durante, sed ipsa
 Mens intacta manet, quâquam, ceu nubibus atris
 Circumfusa latet, radiosque occultat inertes.
 Non aliter Phœbi quam lucida tela Dianæ
 Intercepta globo, vel tegmine nubis opacæ,
 Tempore non longo nostris tolluntur ocellis;
 Nec minus ipse tamen sincero candidus orbe
 Ardet, & innumeris lucem communicat astris:
 Sic animo nulla est, animi nisi crimine labes:
 Desidia, & luxus, levis inconstantia, & ira
 Ingenium obtundunt, lumen rationis inumbrant,
 Permifcentque notas tabulis, & nomina delent.
 Quilibet id meminit quod amat, crebroque revolvit.
 Da mihi de multis sumi potoribus unum,
 Creditor, aut plene cui sint oblita crumena
 Scrinia, desponsæ vel notum limen amica,
 Et dabo de sumi multis osoribus octo,
 Aut plures etiam, proprium cognomen, & acta
 Hæsterna, & patria oblitos elementa loquela.
 Scilicet aut nocuum virus, vel pestifer ignis,
 Aut morbus subito sumens à verbere nomen,
 Aut nimium palpata Venus vergente senectâ
 Lasceras officium cerebri, nec congener atræ*

Spiritus

Spiritus eversa poterat durare fabrina.
 Quod si præstanti folio suppressa periret
 Vis reminiscendi, cur tot prægnantia rebus
 Pectora vastitiem quasita laudis amarent?
 Qualia nota, quibus nihil ignoratur eorum,
 Quæ callere licet, quibus est dilecta voluptas
 Condere res animo, populique astante corona
 Condita mente prius memori diffundere lingua?

At ethalamos contristat iners, piger halitus, ipso
 Castior, abstrusas partes qui fascinat, agno.
 Audio femineas voces; nam mascula virtus
 Laudavit potius rabidi sufflumen amoris.
 Non hodierna quidem infirmi querimonia sexus;
 Matronis odium est, ex quo Vulcania conjux
 Frigore suspectam gelidis certare cicutis
 Inferri in Cyprum vetuit Cytherea Paphumque,
 Bello nempe redux inter convivia Divum
 Evitis ut domitæ obtulerat nova gaudia terra,
 Iuppiter ante alios, & cum Iove Mulciber & Mars
 Atlantisque Nepos, & nectare plenus Apollo,
 Fumivomis olidam simularant naribus Ætænam.
 Ridebant novitate Deæ, sed nocte sopora
 Offensa statuere suo depellere cælo
 Thessalicos ritus, vigilesque tenere maritos.
 Ergo postridie simul ac fumosa supellex
 Prodit, prima Venus cæpti manifesta protervi
 Involat in mercem, buxumque & pulverem, & ignem
 Tam

Tam facilis Diva Superis mirantibus iras
 Subversos pedibus summo deturbat Olympo.
 Sic lasciva Cypris insanire: at love nata
 Bellatrix, nemorum Virgo, Pindique sorores
 Sparsas reliquias gremio legere, patremque
 Thyrsigerum obnixè nova supplementa rogant,
 Subsidium & voto gratis retulere pudico.
 Ingens opprobrium verò, si Cypridis æstum
 Temperat, imperium menti, membrisque vigorem,
 Virtutumque decus rarâ virtute tuetur:
 Non extinguit enim nymphae aut cannabis instar
 Natura instinctum; sobolis nec munera tollit,
 Fors numerum minuit; sed frano artata Cupido
 Quod demit numero, generis bonitate reponit.
 Grande bonum, si vel tenuis fortuna parentum
 Non premitur multâ prole, aut respublica gaudet
 Fortibus & justis potius quam plebe frequenti.
 Utilis hinc adeo senibus, primæque juventæ,
 Frugalesque cado in summo sibi præstat, & imo,
 Dum celeres flammæ, cineresque subinde tepentes
 Aut sedat subito, aut ut susâ diluit undâ,
 Stultitia facili canos, pubemque furore,
 Indeque prognatâ solvens vertigine Mundum.
 Ne despecta tamen vestris prorsum exulet hortis
 O domine! in duris & habet sua commoda rebus.
 Errantes uteros sursum trans septa ruentes,
 Et tensum veluti ferientes ariete ventrem,

Si quando oppressus pulmo sublatius anhelat,
 Deprimit, inque suas cogit descendere sedes
 Ocyus, incumbens binū quam centurionum
 Pondus, & impositi densissima sarcina plumbi.
 Porro nulla seni, si vitea pocula demas,
 Commodiora dedit mater bellaria tellus,
 Seu servanda venit natura anuona fovendo
 Humorem ingenitum, suavem fundendo vaporem
 Arenti cerebro, pellendi aut sensibus hostes:
 Namque aciem lippis acuit; cui stiria pendens
 Nasum hebetat, reddit siccata nare sagacem,
 Dissolvitque graves ventosa ex aure susurros,
 In mentem, ut melius sapientum dicta recondat,
 Colloquijque diem morosaque tedia fallat.
 Quod si quis damnosa luens delicta juventa,
 Nocte crucem scapulis gestat, somnumque recusat,
 Hic quoque solamen querat, requiemque labori;
 Non tantum sopor in venas obrepet amicus,
 Unde dolor cedat, sed, ne nox longa putetur,
 Somnia pulcra dabit, rerum & spectacula viva
 Offeret ante oculos. non qualia monstra figurat
 Torrida, bilis atrox, faba, lentes, cepa, faselus:
 Allia, & alsercum fatuum, manicumque solanum,
 Si quis edit, medio in somno spectare putabit
 Horrendas facies, confusaque sacra animantium,
 Quae nec sunt, nec erunt, harpyas equore nantes,
 Aëre Centauros, fissa tellure Draconum

Agmina, & ore nigro jaculantes Dæmonas ignem.
 Quin etiam in subita sibi tempestate videtur
 Æquore sorberi, & motis luctator in undis
 Brachia anhelus agit, celsa modo rupe volutus
 In mare collabi, sonitumque exire cadendo:
 Latronum gladijs adigi, modo compede fracta
 Adspicit exertis insurgere dentibus ursam,
 Auxilium inclamat nonnunquam vocibus alcis,
 Interdum gemitu, donec formidine somnum
 Excutiat, puncto necis experrectus in ipso,
 Exanimis, gelido perfusus membra madore.
 Longè aliter pictis nocturna aulae figuris
 Latificat nostro eductus suffimine Morpheus,
 Sensibus internis Natura congrua fingit
 Privato & genio; quæ quisque in mente revolvit
 Luce vigil, vel amat, gratissima nocte recurrunt.
 Aulicus, orator, medicus, mercator, agyrta,
 Navita, piscator, miles, auriga, poëta,
 Agricola, & pictor, cerdo, patronus, amator,
 Sopiti peragunt consueta negotia, non ut
 Sponte rudes cernunt dubitanti lumine formas,
 Vel nuper natam per euntia nubila lunam,
 Esse putant quodcunque vident. non segniter aurem
 Incendunt dictis, atque enthymemata cudunt;
 Ædificant versus, clarè quos manè fatentur,
 Atque alia expediunt alij, ne somnia credant
 Esse, nec affinem morti, nisi nomine, somnum.

Non lethaus enim est opij sopor, omnia ferreis
 Interiora ligans, immota ut lege, catenis:
 Non etiam ambigua turbatrix umbra cicutæ
 Sensibus injiciens illufis frivola vincla.
 Quæ nec mota tenent objectis membra figuris,
 Nec penitus vigilare sinunt: sic altera Baucis
 Et conjux teneras cœnati forte cicutas
 Effossas in agro, quas falsi ab imagine formæ
 Crediderant fiser esse, aut nota Baucidis herbam,
 Postquam fessa humili posuissent membra grabato,
 Nec vigiles, nec adhuc somni sub pondere victi,
 Exilire toro; prior hæc, mox ille, vagatique
 Atria per tuguri brumali nocte, rigentes,
 Attoniti pariter, deliria mira stupentes,
 Livida de trabibus retulerunt membra grabato.
 At sopitus homo claro spiramine Pati
 Gaudia pacifica noctis transacta retractat,
 Et vigil ad solitum redit æquâ mente laborem,
 Si modò laudatum fuerit, non vile, nec arte
 Fictitiumque dolis. namque omni electa Tabaco
 Non eadem est bonitas: generosum ab origine prima
 Asperum erit, densum folio, pullumque tuendo
 Jucundum longè & late diffundet odorem
 Permistum viola, aut aura radice Etrusca
 Jucensum referet gustanti rite palato
 Asyrium Asphalton, cauti vel Castoris orchin:
 Quod folio tenue est, Autumni frondibus æquum

Quale

*Quale in Virginia, & Bormuda nascitur arvis,
 Abÿce, & aurigis sænum, nautisque relinque:
 Pungit enim tunicas oculi, cerebrique volucra;
 Qui bibit, ille graves ad opus mirabitur armos.
 Pandicator erit, malas diducet hiantes,
 Et, nisi acuta fames stimulat, projectus ad ignem
 Gaudebit seram stertendo adducere noctem.
 Ante alios fugite ô Musarum sancta propago,
 Qui veterum è chartis Sophia defossa metalla
 Eruitis vigilis, deprensam per sua signa
 Profligate scelus mangonum, & tradite flammis.
 Est qui delicias alieno ex orbe petitas
 Captat adulterio, dum, quam Scythia fuisse peremit,
 Miscet odorata tabum ferale capellæ.
 Stillam alius marathri jungit, vel pinguis anisi,
 Chalcanthive notam, que lingua affusa saporem
 Exhibet, ut Lybica mixta melligine canuæ,
 Omnia damnose, ne dicam molliter: artem
 Qui Nature adhibet, matris nisi consulat ora,
 Turbat opus, non addit opem: quod si tamen unquam
 Lascivire libet, laudique adjungere laudem,
 Sumite lignum aloes, cujus levis affusa pleno
 Fixa tubo totum fragrans perfundet acervum,
 Et cerebri ventres grato recreabit odore.
 Sed neque congestis dapibus conjungite fumos:
 Inde coqui turbatur opus, si clausa superne
 Ostia pulsantur, tum semielixa deorsum*

*Fercula succensens mittit, quæ didita chordis
 Seditionem alvo ventosæque murmura miscent,
 Sudum animo & placitis populata laboribus horas.
 Pernitiosum etiam nudato admittere frigus
 Vertice, vel vacuo Patum potare camino:
 Verberat aura cutim, reclusa foramina stringens,
 Trans galeam teneras convellit acumine fibras,
 Et capiti pondus, horrorem crinibus addit:
 Neu libeat solum calamo indulgere, nec ultra
 Luxuriando modum cerebri complere cavernas;
 Alternis sumatur; amant alterna Camæna,
 Confertum natura fugit. tibi terminus esto
 Vertigo occipiens, quæ, ni simul orta recedit,
 Adhibe lene xythum, vel aperto sub Jove frigus,
 Omnis & exigua sedabitur arte tumultus.
 At postquam capitis modulum cognoveris, intra
 Fines curre tuos, nec te quæsi veris ultra.
 Natura quisquis servaverit ordine leges,
 Ille mihi sanus, sapiens erit, atque beatus.
 Talia ludebat Vetulus: narrantis ab ore
 Heroum resupina cohors suspensa silebat,
 Docta quidem vires, sed inops tam nobilis herba
 Progeniem optabat, renovandi & seminis artem.
 Blasus at ille siti, somnoque propinquior, uno,
 Sed longo ut maduit, subito quoque stertuit, haustu.
 Nos veniam sati, fessilicet, & sitibundi,
 Absolvemus opus, & quæ Silenus omisit,*

Summa Tabacophilis cultus arcana canemus.

Principio, ut messis respondeat ampla labori,
 Summe medullosum generoso è germine semen,
 Cui folium oblongum; crassum, nulloque pedunclo
 Inseritur trunco, sed ab ipso stipite surgit.
 Proxima cura loci; tam strenua planta recusat
 Segne solum; felix animoso crescit in agro
 Qualem vitis amat: colles, objectaque soli
 Arva legas, ubi terra levis, non marga ligoni
 Obvia, non argilla tenax, non obsita musco
 Tesqua, nec impresso flentes sub vomere gleba.
 Ne tamen egregie quantumvis indolis agrum
 Bis fere, si plena ducit te gloria messis:
 Prima rapit sœtura animæ quodcunque virile est
 Effataque uterum delumbem in matre relinquit.
 Verte solum, sedesque novas adscribe quot annis
 Hospiti inexploto, fessis gratissima sulcis
 Dum permissa quies pingui letamine robur
 Suppleat, exhausta & genium per viscera fundat.
 Nactus agrum urge operas; ne sit solertior alter
 Ordine descriptis spatijs pertundere terram,
 Ternaque vel plura in parvum dare grana foramen,
 Divisa equali ut vegetabilis aura tenore
 Inserat equalem folia in ventura vigorem.
 Quod si casum aliquod fallit, vel cedit in escam
 Muribus, aut rostro fodientibus omnia talpis,
 Spes de reliquijs superet; si sospite turba

Densior

Densior ortus obest folijs, tabesque timetur,
 Videris ut crebram tellure exurgere gentem,
 Thrax esto, patrie leges imitare severas,
 Immituas numerum, multisque è fratribus unum
 Linque solo, vacua melius quo crescat in arëa,
 Attrahat & plenum nutritis ab ubere succum:
 Mox ubi pingue solum, longique in tempore soles
 Luxuriem folijs dederint, in caudice robur,
 Tempus erit terræ vicinas stringere frondes,
 Major ut in summo claudatur cortice virtus,
 Et ferat à justo bonitatis iudice palmam.
 At ne precipites messem; ut nigrescere semen
 Cæperit in calice, & solum mutare colorem,
 Arma para, & cultros. vindemia nobilis instat,
 Et merces operæ: lucet optate serenas
 Patricole; nec enim folio minus officit imber,
 Quam September obest maturis humidus uvis:
 Tunc mete: dimidia est tibi jam decursa laboris
 Meta; quod hinc restat, curâ haud leviori gerendum:
 Frustra etenim studium omne fuit, generisque solique
 Gloria, ni summo veniat spectabilis actu.
 Hic duo sollicito tibi sunt curanda labore:
 Absumendus aquæ, genitor putredinis, humor,
 Ne finis è folio fiat, mox spiritus & vis
 Ignea, que pingui velut abdita dormit olivo,
 Excutienda, suos & deducenda per artus.
 Ergo, ne ætheream Sol fervidus hauriat auram

*Sub tecto, longa suspensa è cannabe paulum
 Crescant folia, & parvo post tempore strata
 Congere acervatim, calor ut collectus ab imo
 Turgeat, & cacas distendat ad extima vires.
 Sic cumulatæ tepent primo, tepesacta tumescunt,
 Mox oritur sudor, sequitur nubecula sumi,
 Et, nisi destruitur moles, transibit in ignem,
 Ut portata domum nondum satis arida plaustris
 Gramina constipata flagent, tectisq; minantur.
 Tu disperge struem, suspende, iterumque repone
 In cumulos, seriemque tui pervade laboris,
 Dum servendo animæ veniat vis omnis in ætæ,
 Siccando & maneat, neque diffundatur in auras.
 Hic oculis opus, hic ductu rationis & usu:
 Nam brevis est nimis, brevis est quoque linea pauci,
 Et gaudet natura modo; sed si tamen usquam
 Peccatum, ut possis culpam sarcire, docebo;
 Non ardente mero, aut muria, non melle, minusque
 Auxilio matule, mangonia qualia tentant
 Caupones, pretij quibus est odor ante salutem;
 Subsidium ex ipso posces; prælo exprime succum
 Vilibus è folijs, quæ dextra incuria passim
 Præterijt, tepidaque sinas spumescere in ollâ,
 Decrepitum immergas labro, reddeisque juvenæ.*

*Hæc sat erunt: jam quere ratem: merx ampla coloni
 Augebit census, & vectigalia regum,
 Mercantum & loculos; naulum fortasse medenti*

Ausferet, autumnos populo factura salubres.
 Forse etiam è furca donabit prandia corvis,
 Cessator si pauper emit, meliusque locandas
 Dissilat egestatis vicinæ improvidus horas:
 Sed bene dum modo sit frugalibus atque modestis,
 Turba perire volens, pereat, quicumque salutem
 Abnuat, is careat, nec rerum subruat usus.
 Cui mala lis, ratis in pelago, præpostera conjux,
 Aut dolor impatiens, nutans aut debitor aris
 Eripiunt somnos oculis, animoque quietem,
 Is faciles leni folio debere facetur
 Inducias, meritamque refert pro munere laudem:
 Quotquot in adversum iudex morosior equo
 Evomit ampullas, ventis mandamus, & unde;
 Orco devorveat, mox subventanea furvi
 Dæmonis ova vocet, placando & idonea Dui,
 Persephones mulsam, Furiarum thuris & odorem,
 Et de Cerbereâ germen lethale salivâ;
 Ridemus titulos, & Verba poetica pleno
 Guttore laudamus, similique reponimus arte.
 Si quis amans veri nobis dissenserit, author
 Consilij alterius, quod pectore claudit, in albo
 Scribat, & hos sensus rectâ ratione refellat.

Doctissimi RAPH. THORII

D. M.

Amici intimi.

QUod jam summa procul villarum culmina fumant,
 Quod fumos bibit omnis ager, bibit omnis ab Aula
 Ad caulam fumosa domus, quod pascere fumos
 Fumosos equitum cum Dictatore magistros,
 Quod pueros fumare juvat, fumare puellas,
 Mollus indignor. quin tecum ignosco puellis
 Et pueris, zulis, caulis, equitumque Magistris,
 Præne pater Patii, fumantem gloria, THORI,
 Non fumum ex fulgore, sed ex fumo dare lucem
 Seditule; Te prætor magis lippire decenter
 Quam lachrimâ ridente putant; jucunda cuiquo
 Te Medico tussis cui nec pituita molesta est
 Creditur instantes membris emungere morbos.
 At mihi quod sacra lætet in vertigine multo
 Præcipitum est; Hos te calices fecisse disertum:
 Hæc aliquid certe fumo facundia debet.
 Fæcundi calices, felix vertigo, saliva
 Nobilis, insignes lachrimæ, gratissima tussis.
 Me quoque, si parçè videor laudare merentes
 Insolitas calicumque super præconia laudes,
 Me quoque vicinis afflatum credite funus,
 Et sicco titubare mero: brevis iste futurus
 Est furor: exierit sensim vespina pruni
 Turbinis, aggrediar stabilis de nare tepenti
 Fundere cum fumus quæ vos per sæcula vestent
 Verba, verentque mori, nolint Iovis ira vel ignes.

Pro fumi! sed & hic furor est; ignoscite vobis,
 Fumosoque mihi: cessem fumare, tacebo
 Sobrius, & sapiam, labris encomia, linguâ,
 Dentibus occludam. quid enim, si THORIVS unum
 Arguit ipse sui reliquum fecisse stuporem?

IN EANDEM.

C Arminas putantur fumi pòtoribus, audi
 Massiliæ si quem fumea vina juvant,
 THORIVS exemplo docuit spumantia multum
 Pocula, fumantes omnia posse tubos.

CONSTANTER.

RAPHA-

D. CONSTANTINO HVGEINO

Equiti, &c.

S. P.

Nescio equidem, Vir Clariss. quæ vos isthic agitant Phœbi intemperix, ut volentem nolentem ad vestra sacra pertrahatis. Vis est hæc quidem. Assentior tamen *ἐκων ἀέκων τιμῶ*. Obtinuit jam à me clarissimus D. Kinschotius, quod tu nunc amoris violentiâ extorques. Misi illi ante dies octo utriusque Pætilusum. Prodeat, quando ita vultis, sed indemnem præstare authorem memineritis contra magistros morum, quibus forte in hac ætate argumenti levitas ridebitur; & suaviter. Graviora quidem ha-

G 3 bebam,

bebam , tum Ethica , tum Theolo-
 gica. Quæ, si vobis salivam movissent,
 aliquanto libentius exposuissẽ. Quod
 si hæc præludia plaustum invenerint,
 non recusabo ulterius in scenam pro-
 gredi, vestris auspiciis fretus, ut quic-
 quid in utramvis partem ceciderit, id
 vobis imputetur. Interim, quoniam
 jacta est alea, & fracti obices, ex tuo
 rogatu mitto lusum tertium, non us-
 que adeò à prioribus, nec à tempesta-
 te, alienum. Hyems est. quæ si frigida
 videtur, veniam secum de suo feret
 nomine. Comitetur Pætum, aut se-
 quatur, si non disconvenit. Si tibi,
 si Rutgersio, Heinsio, Kinschotio,
 placet, gratulabor quidem, at invide-
 bo proli fêlicitatem, quam ipse sibi pa-
 ter exoptat. Picturatam frontem vidi,

&c

47
& nisi inventoris ingenium, qui tam
benè res *συγμῆς* conjunxit. Ceterum,
quod fœlix faustumq; sit Reipublicę,
videat lucem noster ludio, ut inde hi-
lares magis lætentur, tristes recreen-
tur. Certè mira est hominum natura,
quibus in senio placet puerilitas, & in
gravissimis periculis leporum suavi-
tas: at, modo sint condimenta, non
cibi, veniam (spero) invenient apud
Iudices non nimis barbatos. Vale.
Londini 26. Febr. 1625.

IN HYEMEM

Doctiss. R. THORII D. M.

Sic Medicè decuit, sic se curasse Britannè,
 Post fumos nidore frui, meliore culina
 Post lachrimas, avidæque irritamenta salivæ.
 En ego me, THORII, convivam sisto, vel umbram,
 Qualemcumque vocas. juvat in tot fercula fundi,
 Et faciem variare gula. juvat esse lepores
 Et lepores. juvat omne tuis condire meracis,
 Brumalesque dies, nrveas, te iudice, noctes,
 Noctibus & dubias confundere solibus umbras.
 Tu modo livor ades, nec prandia disce Galeni
 Semper fatida, nec puta Permesside semper
 Pascier, aut solo vesci nidore Poëtam.
 Hæc tales nec aquæ pariunt, nec advenia Brumas.

CONSTANTER.

In

IN EIVSDEM
HYEMEM.

FUMVS habet finem, nec enim omnis nubibus istis
 Discedit conviva satur, diversa palatis
 Diversis sapiunt; hic apponuntur amicis
 Brumales epulæ, doctis sermonibus horæ
 Falluntur, solvit, sua per convivia, frigus
 Thorius, & ventrem pariter cum lumine pascit.
 Non opus est dapibus, parvisve paratibus orer,
 More suo, veniam, dat condimenta palato
 Grata omni, novit quibus est jus aptius herbis.
 O utinam, Thori, vestris mihi posse daretur
 Colloquiisque frui, lautisque accumbere mensis!
 Nil ego contulerim tam docto sanus amico.
 Fallor! an & mensis adsum conviva secundis,
 Hoc erat in votis, canantes inter amicos
 Dulce mihi furere est; nec enim magis ulla palato
 Grata datur, quam quæ condita leporibus, esca.

LYD. à KINSCHOT.

H

Ejus-

Ejusdem

HYEMS.

Amnicola vates, clausis quos adibus algor
 Misit in exilium, duris & rebus egestas
 Sedibus ignotis locupletum ad limina vilem
 Mendicare jubet gembundo carmine victum,
 Incolumes si qui tanta de clade supersunt,
 Pectore si quis adhuc niveo calor insitus haeret,
 Dicite jejunum peregrini carmen olores.
 Et me tangit hyems; noster quoque friget Apollo;
 Forsitan & plectro frustra ostia celsa potentum
 Pulsaret, miseras supplens nisi filius artes
 Arte minus sterili vacuos sarciret hiatus,
 Et, radiante pyra jussu fervere lebeti,
 Ubere persusos apponeret unguine caules:
 Ille Patris citharam obtendens, dum bruma salubres
 Publicat inducias, nostris & bella crumenis,
 Ante focum impellit gelidos effundere versus.

Flat Boreas, alvent montes, stant flumina ripis,
 Fit nive nigra dies; Sol ipse in nubibus alget
 Festinans cubitum, vel saltem algere videtur,
 Cornibus illustrat dum Luna micantibus Orbem:
 Barba gelu concreta sonat; flent lumina ventos;
 Interea ore strepunt dentes, rigor efferus unguis
 Lancinat, & prohibet plenas emungere nares.

Mitte

Mitte puer lusum in glacie, ne lubrica fallac
 Area & averso vitreum caput intonet ictu.
 Cum natibus, referasque domum pendentia crura.
 Ingere ligna foco, tremulis & veller a lumbis:
 Marmoream Cererem, lapidosaque frustra Lynci,
 Atque humilem mensam splendenti appone camino.
 Prima domet stomachum glacie domita ipsa frementem
 Brassica, sed multo quæ surgat succida lardo:
 Deliciae putres callosa volumina verris
 Non moror, obtineant crassa sua siliis nares
 Cretenſi mergenda mero, rabidoque sinapi.
 At potius frixis succidia juncta vitellis,
 Et veniat pleno gallina iuvencula ventre,
 Non adiposa situ, sed pasta siliſine ſicca,
 Quæ numeret varios utero pregnante nepotes.
 Mox fument patinis jejuno frigore pingues,
 Nunc viles epula, turdi, regalia quondam
 Fercula, felici multum curata Lucullo:
 Sed mihi res pretium rebus, non copia, ponit.
 Heus! ubi avis rostrata, sapit quæ podice longe
 Splendidius, quam vel cerebro, vel pectore? crusto
 Excipe collapsos pendente liquamine lactes
 O gula! quam docilis, quæ mandere discis oletum!
 Obsessa gravius quid in urbe suasit egestes?
 Suadet frigus edax: brumali frigore fervent
 Viscera, & immensa consumunt omnia noctes.
 Tarde puer! nondumne suo resoluta liquori

Vina audis? & jam arripuit prope flamma lagenam :
 Tantalea hac pœna est, medios glaciata prope ignes
 Inter vina sitis; magna est patientia virtus.
 Facta, heu, vappa, merum penetrabile frigus, amici,
 Accusate; gelu effecit, non sordidus hospes.
 Hic genius Galli, nec frigora ferre, nec æstum
 Mobilitate potest: da succum, vitis lbera;
 Solstitium, & brumam, longos & despicit annos;
 Imperiosus ac est; ridentem admissus amicum
 Suppeditat, summa petulans dominatur in arce,
 Et miscet tragicos hirci de lacte tumultus.

Huc ades ô pincerna: viden' illum rubicundis
 Naribus, in levam pendet cui pileus aurem,
 Irato & similis clamosius intonat? illi
 Parcius affundas, & raro, & aquare memento.

O Socij, spinas verborum Academia trahet:
 Nos animo, curas evellimus: otia nobis
 Cœlitus ista fluunt: en delitiosa refundit
 Dona parens Tellus; corrumpimus omnia fastu.
 Parcite Chrysippo; Teïæ locus aptior umbræ.
 Nil fuit ingenio cerebroso invictius unquam.
 Ferte dapes famuli; facit aspera prœlia mensa
 Longa hyberna fames, canibus rabiosa, lupisque:
 Os solido offendens steriles dimittet elenchos.
 Mittamus salebras, trivias, & plana sequamur.
 Aspicite, ô juvenes, ut tempora prima verentur
 Postremas hyemes, ut in unum congerit annus

Divitias omnes, ventri quas donet arvaro,
 Sic ferere in canos mandat Natura juventa
 Rem, famulos, sobolem, doctrinam, nomen, amicos;
 Ut stans multiplici tibicine curva senectus
 Mollius in dorsum letho sternente recumbat.
 Rugis apta quies: hyemi domus optima: nulla
 Machina me currum vel equum sustollat in altum,
 Fumento ut rigido accrescam, ceu milite saxo
 Horrebant quondam statuis & equestribus Alpes;
 Suas erit aut tali navem conscendere caelo,
 Non si pontivagi invitet fortuna Draconis,
 Spondeat aut reducem ex Indis abducere classem,
 Mutus & angina heredem me scribat Alektor.

VVestphalus hybernos saxa petit & maledictis
 Caupo viatores insano fidere tactos,
 Cogitur ut precibusque minisque exire grabato,
 A socia & lecti fumanti surgere porca:
 Cogit eos pariter nudo decumbere plaustro,
 Vrsamque & plaustrum, & stellas numerare micantes:
 Corculum in hoc sapiens, ad cetera fungus inanis.
 Omnis in opposito est Batarvi sapientia, ne quis
 Rugosum Occiduo citius piper inferat Orbi,
 Regna petit Borea, vastis ubi noctibus errans
 Naturam oppugnat trabibus, perque in via tundens
 Claustra viam, aeterna glacie praecordia durat,
 Marmoreum pelagus sicco pede calcat, in aetam
 Esurie advectus, ne vitam in nave relinquat,

*Vi que nives vitet, niveis se manibus abdit,
 Nunc urfos pascit, capto modo pascitur urso,
 Mustelam aut prandet, vulpis vel terga ligurrit.
 Gaudia neu tandem festis regalibus absint,
 Sortibus electum glaciata in regna sodalem
 Proclamant, gelidum quoties delibat lacchum.
 Sic tenebris segnes durant, nivibusque sepulsi
 Expectant reducem Phæbum, fluctusque sonantes,
 Ut patriam repetant rari, laribusque reportent
 Dimidias aures, lapsique foramina nasi,
 Præteritos casus dicturi astante corona,
 Castaneas sparso dum volvent igne crepantes,
 Et tumidas jungent ad singula pocula dextras.*

*Quis peregre excurrat? tuto vix itur in urbe,
 Per tegulas tanto vehemens furit Æolus astu.
 Hem muri titubare, nisi titubo ipse, videntur.
 Libate, ô Socij, & vino mulcete procellam:
 Roribus irriguis perhibent mitescere ventos.
 Nemo casam repetet, positis nisi turbinis alis.
 Portentum est, quoties saxis pluit: in sua nemo
 Fata ruet, medico cœnam præbente, sed ira
 Impatiens si quis properat, tantisper ad ignem
 Assideat, dum Scriba venit vicinus, ut illo
 Teste palam scribat, testamentumque sigillet.
 Tunc abeat, sed ne per tela incedat inermis,
 Induat invictam hanc galeam, quæ sorde rubenti
 Incrustata novem è clavo per lustra pependit,*

*Et fluitante anima capitales arceat iclus.
 Nil sincerum homini fundit Natura : voluptas
 Et metus una habitant : sunt qui corpuscula curant,
 Expediunt animas alijs poscentibus undis,
 Sanguinis aut avidis per vulnera cruda propinant.
 Pace Britannus orat genioque illustrat alutam ;
 Gallia flet, patrios Aquitanus inebriat enses.
 Nunc silet aura omnis, ventis modo recta ruebant.
 Somnum adeunt inopes chordis vocalibus. at vos
 Ite domum saturi, nec frigida strata timete,
 Vos, quibus intepuit viva sartagine letæus.*

F I N I S.

E R R A T A.

P Ag. 4. vers. penult. lege, *cannaque*. p. 5. vers. proantep. l. *mirabilis*,
 p. 13. v. 6. l. *equus*. p. 44. vers. proantep. leg. *Carmina spūtantur*.
 Cæteræ si quæ commissa sunt, per se Lector emendabit.

Il Reale Istituto di Studi e Ricerche
di Roma ha acquistato per la sua
biblioteca la seguente opera:
[Faint handwritten text follows]



[Faint handwritten text, possibly a signature or date, followed by a horizontal line and more faint text]

